

www.BibleForChildren.org


Mateo 8



Chaypitam nä quima junag cayaptin, juc runa casarara Canä nipäcungä marcachru. Chay marcaga cara Galileachrümi. Chaychrümi cayara Jesuspa mamansi. Chaura Jesuswanmi discipuluncunas aywapäcurä chay casarag gayachipäcamaptin.



Jinarcurmi vinu pishiruptinga, mamanga Jesusta cay nin: "Vinum nä mana canchu". Niruptin mamanga chay vinu chragachracugcunatam nirun: "Ima-aygatas rurapäcunquim pay nipäcushuptiquiga" nirun.



Chaypitam Jesusga chay
chragachracugcunata "Yacuta wiñaräcuy
cay botijacunaman". Niptinga wiñarärin
juntatacama.



Chaura Jesusga cay ninmi: "Cananga jorgorcur, apapäcuy cay fiestachru atendig runaman". Niptinga ningannuylam rurarärin.



Jinarcurmi atendig runaga chay yacupita vinuman
muyushataga malirun. Payga manam musyarachu
maypita jorgapacungantas.

Musyaraga
chragachracugcunalam
yacu wiñapacunganta.




Chaura chay atendig runaga, casarayag olgota
gayarcurmi cay nin: "Pi maysi alinnin vinutam jorgamun
naupataga. Nä alisca
upyaräriptinran jorgamun
jucläyacunataga. Nätan
ganga alinnincagta
chrurasha canqui mas
guepapagtan" nin.




Chay Canä marcachrümi Jesús chayta rurara
munayninwan. Chaynuypam wamagta
reguechicura pi cangantas.
Nätan discipuluncunaga
paylaman mas
yupachicuytam
galacayarärirä.



Chaypita Jesusga Pedropa wayintam
aywacun. Chaychrümi tarirun Pedropa
suydranta alisca acachaywan
gueshyayar cämachru jitarayagta.



Jinarcurmi chay warmipa maquina Jesús yatayuptilan
chay gueshyapitaga cuticarun. Chaura warmiga
pasay-pacha sharcurcurmi micuy garachracuyta
galacuyun.




Nä pacha chacarpurayaptinmi, Jesús cayangan chay wayiman chrarärichin gueshyag runacunatawan, lutan espirituyog runacunata. Chaypitam chay marcachru yachrag runacunaga, lapalan gotucarärimun chay wayi puncuman.



Chaychru Jesusga cuticarachin tucuywan
gueshyagcunatam. Nätan waquinpitam gargora achca
lutan spiritucunata. Chay Asyagpa spirituncuna
musyaram Jesús Diospita shamusha cangantas.
Chaymi Jesusga "Nogapita ama rimapäcuychu" nira
chay lutan spiritucunata.



Nätan lapan runacunas Jesús yatayuytam munapäcura,
imawan gueshyagcunas payta yatayular munayninwan
cuticapäcuptin. Payga cuticächira lapantam.



Jinarcurmi Jesús cayangan wayicagman chrarärichin
chruscu runacuna juc uncutucusha runata.



Nätan runacuna junta captinmi
Jesús cayanganman mana
yaycachiya atipapäcurachu.



Chauraga Jesús cayangan
wichanninpam wayipa gatanta
gachrachrärir gueshyagta
quirmantinta wascawan
cachrarparärin Jesuspa
naupanman.



Chaypitam payman yupachicurcayanganta tantiarur,
Jesusga gueshyagta cay nirun:
“Wamralä, juchaycunata
nämi perdonarug”.
“Sharcuy, cämayta
apacurcur wayiquita
aywacuy”.



Chay nircurga büquimanmi Jesusga yaycurun,
jina guepantam discipuluncunas
yaycarärin. Jinarcurmi chay
jatun gochrapa aywarcayaptin
mayänipita alisca löcu
tamyä galacuyun.



Chauraga alisca walyaptin yacuga altumancama
sharcur nämi büqitas chapanayara.
Nätan Jesusga punuyaram.



Chaura Jesusga cay nirunmi: "Mana alila yupachicamag
runacuna, ¿imanirtag alisca manchacararcayanqui?"
nirga, sharcurcurmi piñaparun walyaytawan yacutaga.
Chaura chayüram walyaysi yacusi amaynarun shumag.
Chaura discipuluncuna chayta
ricarurga pasay mayacasha
niragmi cay
ninacarärin:
"¿Imannincagtag cay
runaga cayan walyawan

yacusi cäsucunanpagga?"
nir.



Chaura Tayta
Diosga alisca
cuyacugla carmi, cuyasha cay pachachru
lapan runata. Chaymi cachramusha chay
japalaylan Dios-mayinta lapan pi mayisi
"Payga razonpa Diospitam shamusha"
nir, yupachicugcuna mana
juchalanchru wanupäcunanpag,
antis Dioswan imaycamas
cawapäcunanpag.



Romanos 3:23 Nätan lapanchisi juchäcusham canchi.
Chaymi Salvacug Dios munangannuy cawayta mana
atipashachu canchi.

Romanos 6:23 Chaura pi maysi juchäcuyälar cawagga
cunchuchisham canga, nätan Diosga Munayniyogninchi
Jesucristopam cuyapämarlanchi nä nirayämanchi paywan
imaycamas cawananchipag.

Hebreos 9:27 Chaymi runaga juclay cutila wanunchi.
Chaypitaga Diosmi juchanchita taripämäshun.

Efesios 2:8,9 Gamcunataga Dios salvararcayäshunqui
cuyapälarmi yupachicurcangaypa. Nätan salvasha
carcayanqui manam imatas rurasha capäcurchu, antis
Dios quiquin munaptinmi. Chaynuypa salvararcayäshunqui
mana maygaysi alitucurcänaypagmi, nätan manam
imalatas alita rurapäcungaypitachu.



Romanos 10:9,10

Chayga cay niyanmi: "Jesusga Munayniyog Diosmi".

Jinaman lapan shongonpa "Jesustaga Diosmi cawacächimusha" nigga salvasham canga. Chaura lapan shongonchipa yupachicurmi Diospitaga "Mana juchaynagmi" nisha cayanchi. Nätan chay ninganchipam salvashas cayanchi.

Juan 3:16,17

Chaura Tayta Diosga alisca cuyacugla carmi, cuyasha cay pachachru lapan runata. Chaymi cachramusha chay japalaylan Dios-mayinta lapan pi mayisi "Payga razonpa Diospitam shamusha" nir, yupachicugcuna mana juchalanchru wanupäcunanpag, artis Dioswan imaycamas cawapäcunanpag. Diosga cay pachaman cachramusha Dios-mayinta manam "Cay runacuna juchanpita cunchuchun" ninanpagchu, artis lapan runata pay salvananpagmi.



1 Juan 5:11-13

Caytam Diosga willarachimanchi: Chay willamanganchiga cayan imaycamas nä paywan cawayanganchim, nätan imaycamas cawayanchiga Diospa-mayin Jesuswan carmi. Pi maysi Diospa-mayin Jesuswancagga, nä cawayan Dioswanmi imaycamas. Nätan Diospa-mayinwan manacagga manam Dioswan cawanchu. Caycunata isquirbimurä, gamcuna Diospa-mayinman yupachicugcuna, Dioswan imaycamas nä cawarcayangayta musyapäcunaypagmi.



Mateo 8-9; Marcos 1-2, 4; Lucas 4, 8; Juan 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Quechua, North Junín NT (qvn) © 1997, Wycliffe Bible
Translators, Inc. All rights reserved.

<https://live.bible.is/bible/QVNLLB/MAT/1>

©2025 Bible for Children, Inc.

www.M1914.org

www.bibleforchildren.org

